

**MESYUARAT PERTAMA PENGGAL PERTAMA
DEWAN UNDANGAN NEGERI PULAU PINANG
YANG KEEMPAT BELAS
02 OGOS 2018**

PERKARA: 4(B)(XXIII)1

**SOALAN BERTULIS OLEH AHLI KAWASAN SUNGAI BAKAP
YB. DR. AMAR PRITPAL BIN ABDULLAH**

1. Terdapat lori-lori tanah membawa muatan yang tidak dibenarkan dari kawasan Tasek ke Batu Kawan di mana keadaan ini membahayakan pengguna jalan raya yang lain.
 - (a) Apakah tindakan segera yang harus diambil oleh pihak Jabatan Pengangkutan Jalan (JPJ) bagi mengatasi masalah ini?

JAWAPAN OLEH Y.A.B. KETUA MENTERI

1. Lori -lori tanah yang dimaksudkan adalah lori jenis *Tipper Dumper*. Mengikut peraturan, spesifikasi kenderaan ini sesuai untuk membawa seperti bahan galian tanah, batu dan pasir serta hasil pertanian sahaja. Sepanjang tinjauan beberapa hari oleh jabatan ini di laluan yang diadu, didapati keseluruhan lori jenis *Tipper Dumper* ini membawa muatan seperti batu, pasir, tanah serta hasil pertanian seperti buah kelapa sawit dan tiada lori yang membawa muatan yang tidak dibenarkan.

Untuk makluman, pihak Jabatan Pengangkutan Jalan (JPJ) sentiasa membuat rondaan di lokasi yang diadu dan hampir setiap hari terdapat tiga buah kenderaan ronda jabatan memberi perhatian kepada lori-lori jenis *tipper dumper* yang membawa lebih muatan yang beroperasi di kawasan Seberang Perai Selatan khususnya di laluan utama seperti di Tasek, Simpang Ampat, Valdor, Changkat, Nibong Tebal termasuk Batu Kawan.

Statistik dari bulan Januari hingga Jun 2018 menunjukkan sebanyak 875 pelbagai notis telah dikeluarkan oleh anggota penguatkuasa JPJ ke atas lori jenis *Tipper Dumper* dan dari jumlah tersebut sebanyak 550 Saman JPJ(P) 22 serta sebanyak 277 lori telah diambil tindakan kerana membawa lebih muatan.